



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 444
fax. +387 33 726 423
e-mail: info@voda.ba

Broj: **UP-1/21-2-40-574-4/24**
Datum: **29.01.2025. godine**

«Agencija za vodno područje rijeke Save» Sarajevo rješavajući po zahtjevu Grada Zenica, podnesenom putem JP za prostorno planiranje i uređenje grada «ZENICA» d.o.o. Zenica, za donošenje rješenja o vodnoj saglasnosti na projektnu dokumentaciju za uređenje korita rijeke Bosne na lokaciji radno poslovne zone «Banlozi» u gradu Zenica u dužini cca 900 m, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Daje se vodna saglasnost Gradu Zenica za uređenje korita rijeke Bosne na lokaciji radno poslovne zone «Banlozi» u gradu Zenica u dužini cca 900 m, a na osnovu projektne dokumentacije:
 - Glavni projekat - Uređenje korita rijeke Bosne na lokaciji radno poslovne zone Banlozi - Zenica u dužini cca 900 m, urađen od strane «ES HYDROTECHNICS» d.o.o. Sarajevo, mart 2018. godine, revidovan od strane «Zavod za vodoprivredu» d.d. Sarajevo, april 2019. godine,
 - Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica urađeno od strane «ES HYDROTECHNICS» d.o.o. Sarajevo, juli 2024. godine revidovano do strane «IBIS» d.o.o. Zavidovići, decembar 2024. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove predviđene Glavnim projektom i Izmjenom i dopunom glavnog projekta vezano za uređenje korita rijeke Bosne na lokaciji radno poslovne zone «Banlozi» u Zenici, izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Korisnik vodne saglasnosti dužan je u saradnji sa izvođačem i nadzorom radova prije početka radova riješiti način uklapanja (prelazne dionice) nivelete regulisanog korita u prirodno korito na predmetnoj dionici (uklapanje u prirodno korito uzvodno i nizvodno od predmetne dionice), tako što će se bez značajnijih zahvata u prostoru moći pristupiti realizaciji narednih dionica regulacije korita, uz istovremeno zadovoljenje zahtjeva u pogledu zaštite od plavljenja.
 - 3.5. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.6. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.8. Prije početka izvođenja radova neophodno je utvrditi postojanje instalacija vodovoda, elektro, plina i ostale infrastrukture na obali i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
- 3.9. U toku izvođenja radova, neophodno je poduzeti sve potrebne mjere zaštite da predmetnom aktivnošću ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanja kvaliteta vode i dr).
- 3.10. Tehnologiju izvođenja radova u obalnom pojasu vodotoka prilagoditi uslovima na terenu, uz odgovarajuća osiguranja ljudi i materijalnih dobara.
- 3.11. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.12. Nakon završetka radova neophodno je radni pojas koji uključuje korito, inundacioni pojas i obale urediti i očistiti od gradilišnih objekata, mehanizacije i gradilišnog otpada.
- 3.13. Investitor (korisnik vodne saglasnosti) je obavezan ispoštovati uslove iz Rješenja o izmjeni rješenja o urbanističkoj saglasnosti broj: 03-19-1-4182/23 izdatog dana 25.12.2023. godine od strane Službe za urbanizam Grad Zenica.
4. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
5. Ukoliko se izvođenjem radova na uređenju korita rijeke Bosne na predmetnom lokalitetu ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Bosne ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje građana sportskih ribolovaca «Bistro» Zenica, koje je korisnik ribolovnog prava na ovom ribolovnom području, o početku izvođenja radova u koritu rijeke Bosne na lokalitetu radno poslovne zone «Banlozi» u Zenici.
8. Ukoliko se prilikom izvođenja zemljanih radova pojavi višak materijala iz iskopa a koji ne bude iskorišten za predmetne radove na uređenju korita rijeke Bosne na predmetnom lokalitetu, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
10. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeti radovi na uređenju korita rijeke Bosne u skladu sa glavnim projektom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 13.11.2024. godine, pravno lice JP za prostorno planiranje i uređenje grada «ZENICA» d.o.o. Zenica obratilo se ovoj Agenciji, u ime Grada Zenica, sa zahtjevom za donošenje Rješenja o vodnoj saglasnosti za uređenje korita rijeke Bosne na lokaciji radno poslovne zone «Banlozi» u gradu Zenica u dužini cca 900 m, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata te je dopisom broj: UP-1/21-2-40-574-2/24 od 10.01.2025. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjereni kopiji Obavještenja o razvrstavanju pravnog lica prema klasifikaciji djelatnosti broj: 07-32.5-7928/14 izdatog dana 01.12.2024. godine od strane Službe za statistiku za područje Zeničko-dobojskog kantona,
- Ovjereni kopiji Uvjerjenja o poreznoj registraciji izdatog dana 08.12.2014. godine od strane Porezne uprave Federacije BiH - Kantonalni porezni ured Zenica,
- Kopija Ovlaštenja broj: 09-19-12913/24 za zastupanje JP za prostorno planiranje i uređenje grada «ZENICA» d.o.o. Zenica u ime i za račun Grada Zenica izdatog dana 08.07.2024. godine od strane Službe za vodoprivredu, putnu infrastrukturu i mjesne zajednice Grada Zenica,
- Kopija Rješenja o prethodnoj vodnoj saglasnosti broj: UP-I/25-1-40-097-7/22 izdatog dana 17.03.2022. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 03-19-5933/20 izdatog dana 20.07.2022. godine od strane Službe za urbanizam Grada Zenica,
- Kopija Rješenja o vodnoj saglasnosti broj: UP-1/21-2-40-540-2/22 izdatog dana 11.10.2022. godine od strane «Agencije za vodno područje rijeke Save» Sarajevo,
- Kopija Rješenja o izmjeni Rješenja o urbanističkoj saglasnosti broj: 03-19-4182/23 izdatog dana 25.12.2023. godine od strane Službe za urbanizam Grada Zenica (fazno izvođenje radova),
- Saglasnost broj: 57-01/25 za izvođenje radova na uređenju korita rijeke Bosne lokaciji radno poslovne zone «Banlozi» izdata dana 03.01.2025. godine od strane Udruženja građana sportskih ribolovaca «Bistro» Zenica,
- Kopija Saglasnosti broj: 3-4056-1/24 na «Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica» izdate dana 01.11.2024. godine od strane JP «ŽELJEZNICE Federacije BiH» d.o.o. Sarajevo,
- Glavni projekat - Uređenje korita rijeke Bosne na lokaciji radno poslovne zone Banlozi - Zenica u dužini cca 900 m urađen od strane «ES HIDROTECHNICS» d.o.o. Sarajevo, mart 2018. godine,
- Konačni izvještaj o izvršenoj reviziji projektne dokumentacije «Glavni projekat uređenja korita rijeke Bosne na lokaciji radno poslovne zone Banlozi u dužini cca 900 m», urađen od strane «Zavod za vodoprivredu», d.o.o. Sarajevo, aprila 2019. godine,
- Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica urađeno od strane «ES HYDROTECHNICS» d.o.o. Sarajevo, juli 2024. godine,
- Konačni izvještaj o izvršenom pregledu projektne dokumentacije «Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica» urađen od strane «IBIS» d.o.o. Zavidovići (broj: 50-IB-RE/24, decembar 2024. godine),
- Dokaz o uplaćenju upravnoj taksi na zahtjev.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju korita rijeke Bosne na lokaciji predviđene radno poslovne zone «Banlozi» u gradu Zenica u dužini cca 900 m (uzvodno od pješačkog mosta u naselju Vraca), izrađena je projektna dokumentacija: «Glavni projekat - Uređenje korita rijeke Bosne na lokaciji radno poslovne zone Banlozi - Zenica u dužini cca 900 m. Projektna dokumentacija urađena je od ovlaštenog projektanta «ES HIDROTECHNICS» d.o.o. Sarajevo, mart 2018. godine. Reviziju projektne dokumentacije uradila je ovlaštena projektna kuća «Zavod za vodoprivredu» d.o.o. Sarajevo, april 2019. godine.

Od strane Službe za urbanizam Grada Zenica, za uređenje korita rijeke Bosne na lokaciji radno poslovne zone «Banlozi» u gradu Zenica u dužini cca 900 m doneseno je dana 20.07.2022. godine Rješenje o urbanističkoj saglasnosti broj: 03-19-5933/20 sa određenim uslovima. Nakon toga je na navedenu projektnu dokumentaciju od strane Agencije dana 11.10.2022. godine doneseno Rješenje o vodnoj saglasnosti broj: UP-1/21-2-40-540-2/22 sa rokom važenja dvije godine od dana izdavanja.

Obzirom na složenost građevine, po zahtjevu JP za prostorno planiranje i uređenje grada «ZENICA» d.o.o. Zenica podnesenog u ime Grada Zenica dana 13.11.2023. godine, doneseno je Rješenje o izmjeni rješenja o urbanističkoj saglasnosti broj: 03-19-4182/23 dana 25.12.2023. godine vezano za fazno izvođenje radova na uređenju korita i obala rijeke Bosne na lokalitetu radno poslovne zone «Banlozi».

Iz razloga izmjene urbanističke saglasnosti ali i u svrhu izdavanja saglasnosti od strane JP «ŽELJEZNICE Federacije BiH» d.o.o. Sarajevo naknadno je urađena projektna dokumentacija - «Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica». Projektna dokumentacija urađena je od ovlaštenog projektanta «ES HIDROTECHNICS» d.o.o. Sarajevo, juli 2024. godine a reviziju projektne dokumentacije uradila je ovlaštena projektna kuća «IBIS» d.o.o. Zavidovići, decembar 2024. godine.

Od strane JP «ŽELJEZNICE Federacije BiH» d.o.o. Sarajevo data je Saglasnost na projektну dokumentaciju (broj: 3-4056-1/24 od 01.11.2024. godine) sa rokom važenja dvije godine od dana izdavanja.

Aktivnost za koju je podnesen zahtjev za donošenje rješenja o vodnoj saglasnosti je uređenje korita i obala rijeke Bosne na lokaciji predviđene radno poslovne zone «Banlozi» u gradu Zenica u dužini cca 900 m a u cilju povećanja proticajnog profila rijeke Bosne na istom, poboljšanja hidrodinamičkih uslova i kapacitativnih karakteristika korita a sve u cilju smanjenja nastanka šteta od poplava odnosno sprječavanja štetnog djelovanja voda. Na predmetnom lokalitetu naselja Banlozi, na lijevoj obali rijeke Bosne na kojoj se nalazi željeznička pruga (Jelina – Željezara Zenica – Zenica) i lokalna saobraćajnica predviđena je izgradnja radno poslovne zone «Banlozi». Na desnoj obali nalaze se željeznička pruga Bosanski Šamac – Sarajevo i magistralna saobraćajnica M17.

Projektnom dokumentacijom za koju se traži vodna saglasnost predviđeno je uređenje lijeve i desne obale rijeke Bosne. U tehničkoj dokumentaciji su priloženi opisi i nacrti uobičajeni za ovaj nivo dokumentacije (situativni prikaz projektnog rješenja u mjerilu M 1:1000; uzdužni profili M 1:100/1000; normalni profil M 1:100; poprečni profili u mjerilu M 1:200 (od P1 do P19)).

Prema projektnoj dokumentaciji, predviđeno je tehničko rješenje koje predviđa 3 dionice sa različitim širinama korita rijeke Bosne. Od profila P3 - P10 usvojena širina dna korita iznosi 105 m; od P11 - P14 širina korita iznosi 95 m; od P16 - P18 projektovana širina korita je 80 m. Na početku i kraju regulacije te između profila P10 – P11 i P14 – P16 projektovane su prelazne dionice. Na obalama je predviđena kosina sa nagibom 1:2 zaštićena kamenom oblogom (lomljeni-slagani kamen; dsr=30 cm). Kosine nasipa iznad kamene obloge i vrh nasipa se oblažu i humuziraju. Samo na desnoj obali, između profila P 1 i P 4 zbog blizine mezarja nije bilo uslova da se formira nasip i kontra kosina prema zaobalnoj strani jer bi ista zahvatila i dio mezarja. Za stabilizaciju obaloutvrde na obe obale predviđena je izrada stabilizacionih pragova na razmaku od 200 m.

Na lijevoj obali, završetak kosine je predviđen prema završnoj koti platoa radno poslovne zone tj visina obale je viša od nivoa visokih voda ranga 1/100 uvećana za nadvišenje od 0,80 cm. Između planirane radno poslovne zone i željezničke pruge predviđen je zemljani jarak za odvodnju površinskih voda sa ispuštom u rijeku Bosnu. Predviđen je zaštitni pojas od min 5,0 m između jarka i pruge.

U sklopu izmjene i dopune projekta dat je predmjer radova odvojen posebno za svaku obalu kako bi se mogla planirati fazna realizacija projekta.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-I/25-1-40-097-7/22 izdatog od strane ovog organa dana 17.03.2022. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektну dokumentaciju data vodna saglasnost na istu.

Na osnovu utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, shodno odredbama člana 114. Zakona o vodama i člana 17. stav (1) tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) propisani uslovi koje je isti dužan ispuniti u toku izvođenja radova na uređenju korita rijeke Bosne na lokaciji radno poslovne zone «Banlozi» u gradu Zenica u dužini cca 900 m.

Uzimajući u obzir naprijed navedeno, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Prilog:

- Ovjeren «Glavni projekat - Uređenje korita rijeke Bosne na lokaciji radno poslovne zone Banlozi - Zenica u dužini cca 900 m» («ES HYDROTECHNICS» d.o.o. Sarajevo, mart 2018. godine);
- Konačni izvještaj o izvršenom pregledu projektne dokumentacije («Zavod za vodoprivredu», d.o.o. Sarajevo, aprila 2019. godine);
- Ovjeren «Izmjene i dopune glavnog projekta uređenja korita rijeke Bosne na lokaciji radno poslovne zone Banlozi - Zenica u dužini cca 900 m za faznu realizaciju projekta i analiza uticaja regulacije korita rijeke Bosne na odvodnju pruge Banlozi – Zenica» («ES HYDROTECHNICS» d.o.o. Sarajevo, juli 2024. godine);
- Konačni izvještaj o izvršenoj reviziji projektne dokumentacije («IBIS» d.o.o. Zavidovići, decembar 2024. godine).

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- JP za prostorno planiranje i uređenje grada «Zenica» (prilog)
ul Mehmedalije Tarabara br 15, 72000 Zenica
- Grad Zenica
Trg BiH br 6, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava